

MEDŽLIS ISLAMSKE ZAJEDNICE SARAJEVO
VJERSKO-PROSVJETNA SLUŽBA

IZVRŠNI ODBOR MEDŽLISA

**IZVJEŠTAJ RAMAZANSKE AKTIVNOSTI VJERSKO-PROSVJETNE SLUŽBE
MEDŽLISA ISLAMSKE ZAJEDNICE SARAJEVO ZA 1440/2019. GODINU**

Prilozi:

- IZVJEŠTAJ O POSJETAMA GLAVNOG IMAMA DŽEMATIMA MIZ-e SARAJEVO
- IZVJEŠTAJI O POSJETAMA POMOĆNIKA GLAVNOG IMAMA DŽEMATIMA MIZ-e SARAJEVO

SARAJEVO:juni, 2019. godine

GLAVNI IMAM
Doc. dr. hfz. Kenan Musić

Na osnovu Plana i programa Ramazanskih aktivnosti vjersko-prosvjetne službe i dosadašnje prakse, na području Medžlisa islamske zajednice Sarajevo tokom mjeseca Ramazana 1440/2019.g. realizovane su slijedeće aktivnosti:

1. TERAVID-NAMAZ

Na području Medžlisa IZ-e Sarajevo, teravii-namaz se ovlajao na **248** mjesta od toga 191 džamija, 44 mesdžida-mekteba, 9 privatnih objekata namjenski primpremljenih za klanjanje teravii namaza koji se već duže vremena koriste u te svrhe, te posebnim prostorijama u Gerontološkom centru/dom za stara i iznemogla lica/, Kazneno-popravnom zavodu, te u S.D. Nedarići i S.N. Bjelave. Na području Medžlisa bilo je posebno za ramazan dodatno angažovano još 62 osobe, od toga 35 učenika medresa i 27 studenata koji nisu angažovani na području Medžlisa mimo ramazana.

Teravii-namaz **sa hatmom** klanjao se u Tabačkom mesdžidu a namaz je predvodio dr. hfz. Muhamed Čajlaković i u mesdžidu Fakulteta islamskih nauka u Sarajevu a namaz je predvodio hfz. Čorbo Haris i drugi.

2. MUKABELE

Svi imami u stalnom radnom odnosu (89) organizovali su učenje mukabela u svojim džematima, te određeni broj honorarnih imama.

Hafiske mukabele učene su i ove godine u: Begovoj 2X, Carevoj, Bakijskoj, Bakr-babinoj džamiji, Tabačkom mesdžidu i džamiji u Bačića polju (Omer El-Hatab).

I ove godine organizovana je, sad već tradicionalna, hafiska mukabela u Hadžijskoj džamiji. Mukabelu je učilo deset hafiza, a odziv žena na mukabelama bio je zadovoljavajući. Mukabelu je učilo deset hafiza, a odziv žena na mukabelama bio je zadovoljavajući. Mukabelu su učile hafize Ehlimana Godinjak, Sumeja Rešić, Lamija Hamzakadić, Medina Živčić – Moco, Ismeta Bećar, Mahira Vlajčić, Senada Čačković, Fatima Čaušević – Trako, Dženisa Pleh i Merjem Kapo.

Novina ove godine jesu dodatne mukabele za žene koje su učile studentice Fakulteta islamskih nauka u Sarajevu. Za ove aktivnosti bilo je angažovano 12 studentica. Mukabele su organizovane u džamijama Hrasno, Gorica i Dobrinja 3b.

Ukupan broj džamija/džemata u kojima su učene **mukabele je 128.**

Napomena: Značajan broj imama uključio je polaznike mektebske nastave u mukabelu pored ostalih učaća.

3. PREDAVANJA

Vjersko-prosvjetna služba angažovala je određeni broj profesora FIN-a, IPF-a iz Zenice, GHM-e te drugih uvažanih alima kao predavače nakon što su se odazvali pozivu koji je upućen pomenutim ustanovama. Po rasporedu vjersko-prosvjetne službe kao predavači angažavano je 21 osoba.

3.1. Prije Podne- namaza

Uvažavajući prijedloge i sugestije imama sa terena da se u nekim džamijama održavaju predavanja prije ili poslije podne, a ne pred teravijah-namaz jer je posjeta bolja u dnevnim terminima, vjersko-prosvjetna služba je prilikom planiranja predavanja vodila računa da se ti prijedlozi u potpunosti ili djelomično uvažavaju. Tako su predavanja prije ili poslije podne namaza upriličena sljedećim u džamijama: **Careva, Alipašina, Hrasno, Buća potok, Alipašino C faza, Hadžići, Istiklal, Čengić Vila, Gornji Velešići i Vogošća.**

Ukupno održanih predavanja prije ili poslije podne: 34

3.2. Prije Teravijah-namaza

U preostalim centralnim i većim džamijama na području našeg Medžlisa, organizovana su *predavanja* prije teravijah-namaza, a to su: **Ferhadija, Koševsko brdo, Čengić Vila, Alipašino „C“ faza, Dobrinja 3B, Grbavica I, Grbavica II, Pofalići, Istiklal džamija, Ilidža, Lužani, Sokolović kolonija I, Hadžići, Jezero, Nova Breka, Vogošća, Novi i Stari Ilijaš.**

Ukupno je prije teravijah-namaza održano 47 predavanja.

3.3. *Obilasci vjersko-prosvjetne službe*

Vjersko-prosvjetna služba sačinila je plan posjeta glavnog imama i njegovih pomoćnika tokom mjeseca ramazana. Tim posjetama obuhvaćena većina džemata u kojima su imami u stalnom radnom odnosu, te određeni broj džemata u kojima su honorarni imami ali sa tendencijom da u skorije vrijeme ispune uvjete za stalnog imama. Između ostalih, posjetama su obuhvaćeni i neki povratnički džemati kao što su Trnovo, Prača, Crna Rijeka i Gajevi. Glavni imam održao je i 4 hutbe, prisustvovao iftarima u organizaciji Muftijstva Sarajevskog, Medžlisa, džematskih odbora, Mreže mladih i drugih. U pratnji glavnog imama bili su njegovi pomoćnici, te po potrebi i dvojica hafiza (hfz. Abdulaziz Drkić i hfz. Hamza Lavić).

U prilogu ovog izvještaja su pojedinačni izvještaji obilazaka glavnog imama i njegovih pomoćnika.

3.4. *Predavanja za žene*

Vjersko-prosvjetna služba uključila je muallime Sarajevskog medžlisa sa VSS i studentice FIN-a radi održavanja predavanja u centralnim džamijama na području Medžlisa. Predavanja su održavana u danima vikenda u Carevoj, Čengić Vila, Istiklal, centralna džamija na Ilidži, Lužani, Sokolović k. 1, Hadžići, Vogošća i Novi Ilijaš. Predavanja su održavale alumnistice i studentice Fakulteta islamskih nauka u Sarajevu.

Ukupan broj održanih predavanja u organizaciji vjersko-prosvjetne službe je: 43

Na osnovu izvještaja dobivenih od imama vezano za aktivnosti u njihovim džematima, evidentno je da je održan veliki broj predavanja za žene u organizaciji džematskih odbora, a sve u okviru programa rada džematskih koordinatorica.

4. RAD SA OMLADINOM

4.1. *Projekat „Ramazanske večeri“*

Medžlis islamske zajednice Sarajevo je i ovog ramazana 1440. godine po Hidžri upriličio već tradicionalne “Ramazanske večeri” u periodu od 23-25. maja, u prelijepom ambijentu Sultan Fatihove-Careve džamije. U projektu, koji je ove godine imao naglasak na afirmaciji duhovnosti kod pojedinca i zajednice učestvovali su grupa solista Ašik, Eldin Huseinbegović,

Resul Alić, Mustafa Pašić i Mustafa Isaković, a predavči su bili doc dr. hafiz Kenan. Musić i hafiz Ammar Bašić. Koordinator projekta bio je Šerif Delić.

4.2. Iftari

a) Centralni iftari po općinama

Koordinatori Mreže mladih za općine MIZ-a Sarajevo realizirali su po jedan centralni iftar za mlade. Prije Ramazana svi su načelnici općina pozvani da budu domaćini ovih iftara, a odazvali su se načelnik Općine Centra i načelnik Općine Ilijaš.

a) Iftari sa samcima

Članovi Mreže mladih posjećivali su starije džematlije koji žive sami i sa njima se iftarili i družili. Aktivnost su sinhronizovano realizirale Mreže mladih Starog Grada i Centra na svome području djelovanja.

b) Iftari u povratničkim džematima

U skladu sa potrebama i programskim aktivnostim Mreža mladih je organizirala 3 iftara u povratničkim džematima, i to u Knežini, Palama i Foči.

c) Regionalni omladinski iftar sa reisu-l-ulemom

Rijasat IZ u BiH organizirao je iftar za mlade kojem su prisutvovali mladi Bošnjaci iz regije (Slovenija, Hrvatska, Srbija, C. Gora, Kosovo, Makedonija i BiH). Medžlis islamske zajednice Sarajevo bio je suorganizator aktivnosti i putem Mreže mladih radili su operativne poslove u organizaciji sa 18 omladinaca (prijem i briga o gostima, organizacija)

d) Centralni iftar Mreže mladih Sarajevo

U subotu 01. juna 2019. godine, odnosno 27. dana mubarek mjeseca ramazana, u hotelu Hills na Ilidži upriličen je Centralni iftar za koordinatore i aktiviste Mreže mladih Muftijstva sarajevskog, u organizaciji istoimenog Muftijstva i Medžlisa islamske zajednice Sarajevo a pod pokroviteljstvom Crvenog polumjeseca UAE.

e) Ostai Iftari

- organizovano je 35 iftara koji su plaćeni iz donatorskih sredstava koja je vjersko-prosvjetna služba Medžlisa osigurala iz donacija *H.O. Most povjerene* i *KC Kralj Fahd*;
- upriličena su četiri iftara sa imamima Medžlisa i Muftijom sarajevskim, zatim iftar sa vjeroučiteljima i načelnicima općina;
- dva iftara za muallime i aktivistkinje Medžlisa Sarajevo.
- u dogovoru sa Muftijom gorazhdanskim Remzijom-ef. Pitićem i imamom Aladža džamije u Foči Dženan-ef. Krajišnikom organizirana je posjeta 13 džemata Medžlisa islamske zajednice Sarajevo ovoj obnovljenoj džamiji. Prilikom posjete ovoj džamiji džematlije su sa svojim imamima iftarili i klanjali teravih-namaz. Džemati koji su posjetili Aladžu džamiju u mjesecu ramazanu su: Ilidža, Lužani, Otes, Soukbnar, Šanac, Vogošća, Hadžići, Careva džamija, N. Breka, Hrasnica džamija, Sokolović kolonija, Kovači, Lubina, te Mreže mladih MIZ-e Sarajevo.

4.3. Ostale aktivnosti za omladinu

1) Dan bijelih traka

Povodom dana sjećanja na stradale u Prijedoru, 31. maja 2019. godine Mreža mladih je u četiri općine organizirala podjelu letaka i Bijelih traka, kao simbola na genocid u Prijedoru, u cilju podizanja svijesti kod mladih na sjećanja na ubijene.

2) Studentski domovi

Medžlis organizira vjerski život u SD Nedžarići i SN Bjelave. U toku ramazana se organiziraju i zajednički sehuri za koje je Medžlis obezbijedio određena sredstva i predavače. Studenti su organizirali svoju mukabelu, te kurs tedžvida i sufare. Također, obezbijedili su volentere koji su svaki dan pomagali u Narodnoj kuhinji Stari Grad.

3) Mreža mladih Tabačkog mesdžida

U Tabačkom mesdžidu Mreža mladih ovog džemata organizira vjerski život posvećen mladima tokom čitave godine. U mjesecu Ramazanu su organizirana 4 iftara sa predavanjima, 6 sehura i nafila.

4) Ramazan za najmlađe

U toku mjeseca ramazana na pet lokacija na području Općine Vogošća polaznici mektebske nastave proučila su Kur'an u okviru dječije mukabele s ciljem da hatme zajedno poklone pred dušu rahmetli predsjednika Alije Izetbegovića, rahmetli Rasima Delića i svih bosansko-hercegovačkih šehida. Projekat je svečano okončan u Memorijalnom Centru Kovači zajedničkim iftarom djece uključene u ovaj projekat i njihovih korepetitora. Nosioc ovog projekta je Mreža mladih Vogošće na čelu sa koordinatorom koji su sami i osigurali sredstva putem pojedinačnih donacija. Vjersko-prosvjetna služba nije bila u mogućnosti da podrži ovaj projekat zbog umanjena budžeta za ramazanske aktivnosti.

Također je tokom mjeseca ramazana organizirana instruktivna nastava i pripreme za maturu.

5. AKTIVNOSTI UČENICA GHM-e I STUDENTICA FIN-a

5.1. Posjete vrtićima

Učenice Gazi Husrevbegove medrese koje su bile raspoređene na ramazansku praksu posjetile su 11 vrtića na području Medžlisa IZ-e Sarajevo, odnosno Kantona Sarajevo. Posjetom su obuhvaćeni vrtići sa svih općina, tako da je na svakoj općini posjećen bar jedan vrtić. Prilikom posjeta učenice su izvele prigodan program, a poseban bajramski program su izvele u vrtiću Biseri, općina Stari Grad. Ove posjete organizovane su u dogovoru sa upravom JU "Djeca Sarajeva", a koordinator u ime Medžlisa bila je muallima Adna Zulić.

5.2. Čuvanje djece za vrijeme teravih-namaza

U Istiklal džamij na Otoci tokom mjeseca ramazana u vrijeme teravih-namaza oragnizovane su edukativne radionice za djecu. Svaku večer po dvije studentice Fakulteta islamskih nauka u jednoj od učionica Istiklal džamije bile su sa djecom za vrijeme klanjanja teravih-namaza tako da su njihovi roditelji mogli da na miru klanjaju namaz u džamiji.

5.3. Kurs sufare "Jedan dan jedan harf"

U suradnji sa Udruženjem studenata Fakulteta islamskih nauka u Sarajevu organizovan je intenzivna poduka iz oblasti sufare i tedžvida za žene/djevojke. Nastavu su izvodile studentice FIN-a.

6. AKTIVNOSTI U MEDIJIMA

6.1. Sedmična emisija „Zajedno u dobru“

Redakcija sedmične edukativno-informativne emisije Medžlisa IZ-e Sarajevo realizirala je 5 emisija u kojima su tretirane ramazanske teme i izvještavala o ramazanskim aktivnostima.

6.2. Radio i tv nastupi, intervjui

- u saradnji sa radiom BIR u okviru edukativnih emisija, sehurskih programa i najave događaja realizirano je realizirano 7 emisija;
- u ramazanskom programu Hayat TV-e gostovalo je 7 imama, te tri javljanja uživo sa Tabije;
- na TVSA realizovana rubrika „Poslanikovo naslijeđe“ - ukupno 29 emisija koje su prije ramazana snimili desetorica imama. Iste emisije postavljane su na web stranici Medžlisa i imale su 100 hiljada pregleda;
- gostovanje 4 imama u ramazanskom programu TV5;
- povodom *Dana džamija* realizovano jedno gostovanje na TV Vogošća, te tri gostovanja na N1, TVSA i BHRT;
- o aktivnostima Mreže mladih urađeni su specijalizirani prilozi na Federalnoj televiziji;
- FENA je uradila intervju sa glavnim imamom doc. dr. hfz. Kenan-ef. Musićem, te je Associated Press zabilježila Ramazanske večeri, iftar Mreže mladih i radionice za djecu;
- u programu Slobodne Evrope urađen je prilog o ženskoj hafiskoj mukabeli.

6.3. Online aktivnosti

- snimljeno 29 epizoda projekta „Poziv vjernicima“ koje su postavljene na web stranici Medžlisa, a imale su 160 hiljada pregleda tokom mjeseca ramazana;

- objavljeno 29 poučnih priča za svaki dan ramazana na webstranici: sarajevskimedzlis.ba;
- tokom mjeseca ramazan 15.000 korisnika posjećivalo je web stranicu Medžlisa.

7. OBILJEŽAVANJE 17. i 27. NOĆI RAMAZANA

a) Lejletu-l-bedr

Dana 21.05.2019. godine u povodu obilježavanja bitke na Bedru organizovani su programi gotovo svim Sarajevskim džamijama, a centralni program MIZ-e Sarajevo upriličen je tradicionalno u Sultan Fatihovoj-Carevoj džamiji sa akademijom najuspješnijih polaznika *Škole hifza Kur'ana* Medžlisa Islamske zajednice Sarajevo. Na programu su se obratili doc. dr. hfz. Kenan-ef. Musić, glavni imam, te prof. dr. Enes-ef. Ljevaković, muftija sarajevski. Istu večer je uz podršku Općine Stari Grad upriličen iftar za polaznike *Škole hifza Kur'ana* i njihove roditelje koji su prisustvovali programu.

b) Lejletu-l-Kadr

Dana 31.05.2019. godine, centralna svečanost obilježavanja ove mubarek noći za područje Medžlisa održana je u Istiklal džamiji na Otoci. Kadersku poruku je uputio Muftija sarajevski prof. dr. Enes-ef. Ljevaković i glavni imam MIZ Sarajevo doc. dr. hfz. Kenan-ef. Musić. Večernji ibadet nakon prigodnog programa i obraćanja, te zikra završen je klanjanjem tespih-namaza koji je predvodio gost iz Turske kurra hafiz Mahmut Satir.

8. RAD SA POSEBNIM KATEGORIJAMA DRUŠTVA

Tokom mjeseca ramazana u *Kazneno popravnom zavodu* bila su angažovana dva teravih imama koji tokom cijele godine klanjaju džumu-namaz u ovom zavodu. Jedan je ostajao u Centralnom zatvoru, dok je drugi teravih namaz predvodio na Igmanu, gdje boravi značajan broj zatvorenika. Imami su klanjali i bajram-namaz u pomenutom zavodu.

Također, u oba studentska doma (S.D. Neđarići i S.N. Bjelave) bili su angažovani imami-studensti koji su osim klanjanja teravih-namaza u džematu, organizovali zajedničke iftare i sehurska druženja sa gostima predavačima.

Teravih imam je angažovan i u Gerentološkom centru u Nedžarićima, dom za stare i iznemogle osobe. Naime, svakog 11. u mjesecu ovaj centar posjete naše muallime koje

prouče jasin i tevhid, a u dane Bajrama upriličen je program kojeg su izvele članice Hora MIZ-e Sarajevo za štichenike ovog centra.

9. ZEKAT, SADEKATU-L- FITR I SERGIJE

U cilju promocije akcije prikupljanja zekata u bejtu-l-mal, vjersko-prosvjetna služba je blagovremeno distribuirala u džemate u dva navrata po 300 promotivnih plakata koje je pripremio i štampao Ured za zekat Rijasetu IZ-e, te više hiljada letaka. Također, na velikim banerima promovirana je akcija prikupljanja zekata (9 banera) koji su bili raspoređeni po cijelom Kantonu. Osim plakata i letaka imami su kroz predavanja i hutbe pozivali džematlije da daju zekat i sadekatul-fitr u bejtu-l-mal.

Prema izvještaju Finansijske službe na ime *Zekata* ukupljeno je: 1.157 590,00 KM (milionstopedesetsedam hiljada i pestodevedeset KM). U odnosu na prošlu godinu ukupljeno je više: 180 260,00 KM.

Na ime *Sadekatu-l-fitra* ukupljeno je: 817 304,00 KM (osamstosedamnaest hiljada i tristočetiri KM). U odnosu na prošlu godinu ukupljeno je više: 76 429,00 KM

Ukupno na ime zekata i sadekatu-l-fitra skupljeno je: 1.974 894,00 KM (milion devetstosedamdeset četiri hiljade i osamstodevedet četiri KM). U odnosu na prošlu godinu ukupljeno je više: 256 689,00 KM

Na ime sergije za *dijasporu* (17. noć) ukupljeno je: 13 816,45 KM (trinaset hiljada osamsto šesnaest KM i 45 %), te na ime sergije za *vjersko-prosvjetni fond* (27. noć) ukupljeno je: 22.076,80 KM (dvadesetdvije hiljade i sedamdeset šest KM i 80 %)

Na ime *fidje* skupljeno je: 4 142,00 KM (četiri hiljade stodvadeset dvije KM)

Napomena: Još uvijek značajan broj džematskih odbora nije dostavio sergije na blagajnu Medžlisu.

10. PAKETI ZA SOCIJALNO UGROŽENE DŽEMATLIJE I POSJETE BOLESNIM

Medžlis IZ-e Sarajevo, sektor za društvenu brigu, u toku ramazana 2019. godine podijelio je ukupno 698 (šeststotinadevedesetosam) prehrambenih paketa koje su obezbijedile firme i udruženja: *Kupujmo i koristimo domaće*, *Javna kuhinja Sarajevo*, *EMMAUS* preko Muftijstva sarajevskog, *Most povjerenja*, cca 280 kg ili 198 artikala mesnih preradevina firme

Akova group i još 25 hedija u vidu namirnica za pripremu jednog iftara/sehura za koje je novac donirala gospođa Medina H. sa porodicom, donatorka iz Holandije.

Preuzimanje i distribuciju paketa vršili su imami, muallime i aktivistkinje Medžlisa IZ-e Sarajevo, a prioritet za dobivanje pomoći imale su socijalno ugrožene osobe, odnosno džematlije.

Posjeta bolesnima, starima i iznemoglima se obavljala uporedo uz raspodjelu prehrambenih paketa.

Nažalost, zbog uskraćenih sredstava iz fonda zekata i sadekatu-fitra ove godine vjersko-prosvjetna služba nije uspjela realizovati planiranu aktivnost podjele 1 600 prehrambenih paketa kroz Mrežu mladih što je prošle godine pokazalo odlične rezultate. Svi paketi koji su podjeljeni osigurani su angažmanom vjersko-prosvjetne službe i nisu sredstva uzeta od sadekatu-l-fitra.

11. BAJRAMSKE AKTIVNOSTI

11.1. Bajram-namaz

Bajram-namaz klanjat je na 192 lokacije. U Istiklal džamiji bajram-namaz predvodio je i održao bajramsku hutbu glavni imam doc. dr. hfz. Kenan-ef. Musić, a u ostalim džamijama bajram-namaz predvodili su pomoćnici glavnog imama, imami, profesori FIN-a i GHM, studenti i drugi uvaženi alimi. Bajram namaz se obavio i u KPZ-u u Sarajevu.

11.2. „Bajram dođe, mirišu avlije“

Prvog dana bajrama, utorak 4. Juni 2019. godine sa početkom u 19:00 sati u *Domu mladih*, KSC Skenderija u Sarajevu, upriličen je tradicionalni bajramski koncert “Bajram dođe, mirišu avlije”. Koncert je organizovan u povodu obilježavanja Ramazanskog bajrama kao dio kampanje promovisanja istinskih vrijednosti ovog blagdana. Fokus je bio na mladima i ovo je 13. po redu bajramski koncert u glavnom gradu BiH. Na koncertu su ilahije i kaside izvodili: Eldin Huseinbegović, Latif Močević, Zejd Šoto, Šerif Delić, Mustafa Isaković i Tarik Omerhodžić. U okviru programa, prisutnim se obratio glavni imam MIZ Sarajevo doc. dr. hfz. Kenan-ef. Musić, koji je uputio bajramsku poruku. Ulaz za posjetioce bio je besplatan uz izuzetno dobru posjetu.

11.3. Podjela bajramluka štíćenicima JU „MJEDENICA“

Članovi Mreže mladih S. Grad su i ove godine kroz svoje ramazanske aktivnosti i druženja sakupljali sredstva za bajramluka koje su podijelili štíćenicima JU „Mjedenica“. Podjeli bajramluka prisutvovao i gradonačelnik Sarajeva Abdulah Skaka, pomoćnik glavnog imama hfz. Ammar-ef. Bašić i Edin-ef. Hamzakadić.

11.4. Obilježavanje Dana Šehida

U skladu sa *Protokolom* Rijaseta IZ-e, vjersko-prosvjetna služba Medžlis IZ-e Sarajevo realizovao je aktivnosti predviđene *Protokolom*. Osim obilaska šehidskih mezarja po džematima na području svake općine, vjersko-prosvjetna služba je putem Mreže mladih organizirala i drugu *Memorijalnu šetnju* od spomenika ubijenoj djeci Sarajeva, preko Markala i Ferhadije do mezarja na Kovačima gdje su se pridružili obilježavanju Dana šehida. Doprinos memorijalnoj šetnji dali su i vjeroučitelji iz nekoliko srednjih i osnovnih škola koji su došli s svojim učenicima.

U Gazi Husrev-begovoj džamiji prije podne namaz imami Sarajevskog medžlisa proučili su i pokonili hatmu šehidima. Isti dan, nakon podne-namaza članovi vjersko-prosvjetne službe, članovi Izvršnog odbora i imami sa svojim bračnim drugovima prisustvovali su bajramskom ručku koji je za njih upriličio gradonačelnik Grada Sarajeva u Vječnici.

• **POHVALNE I INCIDENTNE SITUACIJE U TOKU RAMAZANA 2018.**

Pohvalne situacije:

- dobre posjete organizovanim i najavljenim predavanjima u džamijama;
- ozbiljan pristup mladih imama, odnosno studenata FIN-a i učenika svojim obavezama u ramazanu;
- sve više omladine na teravijah i noćnom namazu;
- dobra posjeta na ženskoj mukabeli u Hadžijskoj džamiji u organizaciji Medžlisa i u drugim džematima koje su organizovali imami;
- veliki broj omladinskih iftara po džematima i prisustvo mladih na programu "Ramazanske večeri" koje je MIZ-e Sarajevo organizovao poslije teravijah-namaza u Sultan Fatihovoj-Carevoj džamiji;
- dobro su prihvaćene od strane djece i uposlenika *JU Djeca Sarajeva* posjete učenica i studentica Sarajevskim vrtićima - obuhvaćeno 11 vrtića.

- galama i ometanje klanjanja teravih-namaza od strane djece i drugih značajno je umanjeno, za razliku od predhodnih godina.

Incidentne i problematične situacije:

- pojava alternativnih grupa i organizacija koje ukupljaju zekat, kao i grupa koji paralelno u blizini džamija klanjaju teravih namaz o čemu su nas izvještavali imami sa terena;

• **PREPORUKE ZA NAREDNI RAMAZAN:**

- uraditi analizu ramazanskih sadržaja sa imamima koji su se istakli tokom proteklog ramazana i stimulirati najaktivnije;
- osmisliti više različitih sadržaja sa konkretnim ciljem, te ih implementirati na terenu;
- dogovoriti sa općinom i vlasnicima ugostiteljskih i drugih objekata da rade i nakon teravih namaza;
- uskladiti programe rada na svim nivoima (Rijaset, muftijstvo, medžlis, džemat);
- u onim džematima gdje je posjeta bolja na podne-namazu u odnosu na teravih-namaz, predavanja organizovati u ovom terminu;
- sve korisne i uspješne projekte u jednom džematu pokušati realizovati i u ostalim džematima, odnosno medžlisima;
- pripremiti dodatni plan za afirmaciju članstva, zekata i sadekatu-l-fitra tokom narednog ramazana;
- poseban akcenat staviti na rad sa mektebskom djecom, srednjoškolcima i studentima u smislu pripreme za ramazan 2020. Godine;
- dodatno jačati prisustvo na internetu, društvenim mrežama i medijima kako glavnog grada tako i šire.

GLAVNI IMAM:

Doc. dr. hfz. Kenan-ef. Musić